



Inatsisartunut ilaasortaq
Jens B. Frederiksen

Risskovimi tarnimikkut napparsimasunut immikkoortortaarfimmi immikkoortoq R3 pillugu § 37 naapertorlugu apeqquteqaammut tunngasoq.

10. juni, 2013
Suliap normua 2013-084433
Upp. Nr. 1226925

Århus Universitetssygehusimi Risskovimi tarnimikkut napparsimasunut immikkoortortaarfimmi immikkoortoq R3 pillugu § 37 naapertorlugu Inatsisartunut ilaasortap Jens B. Frederiksenip apeqquteqaataanut qujanaq.

Postboks 1160
Oqa: 34 50 00
Allakkasuartaat: 32 55 05
3900 Nuuk
Email: pn@nanoq.gl
www.nanoq.gl

Apeqquteqaammut tunngaviuvoq Region Midtjyllandimi maanna nassuiaammik peqalersimanera, taannalu februar 2013-imi Risskovimi tarnimikkut napparsimasunut immikkoortortaarfimmi immikkoortoq R3-mi pissutsit pillugit misissuinerminngaanerpoq, taamani qallunaat tusagassiutaanni tassani pissutsit isornartorsiorneqareersullu.

Apeqqut 1: Naalakkersuisut nassuiaat ilisimanerlugu?

Aap. Misissuineq nassuiaallu Naalakkersuisut ilisimavaat.

Apeqqut 2: Naalakkersuisut iliuuseqarnissaannut nassuiaat arlaatigut tunngavissiisimanerluni?

Naalakkersuisut isumaqarput Region Midt-ip nassuiaasiaa annertullunilu peqqissaartumik suliaasoq pissutsinillu tamakkiisumik ersersitsilluni. Taamaaliornermi maanna siornalu sulisut uninngasullu apersorneqarsimapput tassani uninngasut katillugit 38 %-ii sulisullu 42 %-ii misissuinermi peqataasimallutik.

Nassuiaammi takuneqarsinnaavoq kalaallit uninngaviat immikkoortoq R3 ajornartorsiuteqarfiunerpaanngitsoq. Naak misissuinerup R3-mi ajornartorsiutikinnerunera takutikkaluaraa aamma immikkoortumi R3-mi sulisut uninngasullu isumaqarput pissutsit ilaat pitsaanerussaasut.

R3-mi sulisut oqaatigaat ukiuni kingullerni marlussunni suleriaatsit siunertallu ersarinnerulersimasut assersuutigalugu katsorsaanissamik pilersaaruteqalerneratigut immikkoortortami sulineq taamaalilluni pitsaanerulersimalluni. Uninngasulli oqaatigaat maleruaqqusat nutaat illup avataani sammisassanik amigaataasunik killilersuilersitsilersoq, soorlu illoqarfiliarnernut pinngortitamulluunniit angalaarnernut tunngasut, uninngasullu misigisimapput immikkoortortamiilluni sakkortusoq, tassami killilersuinerit amerlammata.

Peqqissutsimut Pitsaaliuinerimullu Aqutsisoqarfik nassuiaammut malitseqartitsissaaq. Risskov-imi juunip qaammataani pulaarnissaq pilersaarutaavoq. Pulaarnermi tassani ilaatigut sammineqassaaq R3 pillugu misissuinerup inerniliussai Riskov-imi aqutsisut qanoq malitseqartitsiviginiarneraat paasiniassallugu kiisalu tamanna pillugu qanoq iliuisissatut pilersaaruteqarnersut aamma paasinaavigalugit.

R3-mi kalaallit uninngasut suliassaqarfimmi tassani malittarisat malilluinnarlugit katsorsarneqartut Region Midt-imillu nassuiaammi isorineqartut aaqqinniarlugit tamaviaarutigineqartut Naalakkersuisut isumaqarput.

Apeqquut 3: Naalakkersuisut eqqarsaatiginerlugu nassuiaatip (imaluunniit taassuma ilaata kalaallit uninngavianut tunngasup: Immikkoortoq R3-mut tunngasup) nutsertinnissaa Inatsisartunullu ilaasortanut agguaallugu?

Naalakkersuisut paasinninnerat malillugu nassuiaat qallunaat immikkoortortaanut tunnganeruvoq Region Midt-illu ajornartorsiutit saqqummiunneqartut pikkorillutik suliarigaat. Nassuiaatip nutserneqarneratigut pissutsit pitsaanerulernaviangitsut Naalakkersuisut isumaqarput.

Peqqissutsimut Attaveqarnermullu Naalakkersuisutut pilersaarutigaara qaammammi uani Risskovimi tarnimikkut napparsimasunut immikkoortortaqaqarfimmi immikkoortoq R3 tikeraarniarlugu. Tassunga atatillugu nalunaarusiap imai pillugit pisortaasut oqaloqatigissavakka immikkoortumilu R3-mi pitsaanerulersinnaasutut tikkuarneqartut iliussissatut pilersaarusionerqarnissaasa aallartisarnissaa qulakkeerniassallugu.

Iliussissatut pilersaarutit taakku piareersimaleriarpata tamatuminnga Ilaqutariinnermut Peqqissutsimillu Ataatsimiititaliaq ilisimatissavara.

Inussiarnersumik inuulluaqqusillunga
Med venlig hilsen

Steen Lyngé
Peqqissutsimut Attaveqarnermullu Naalakkersuisoq